

岳武穆年譜

下

附遺蹟考

李漢魂編

岳武穆年譜

附遺蹟考

下冊

商務印書館發行

中華民國三十六年七月初版

◎(97121.1)

岳武穆年譜附遺二冊

每部定價國幣拾貳元

印刷地點外另加運費

編纂者 李漢魂

發行人 朱經農
上海河南中路

印刷所 商務印書館

發行所 各地商務印書館

版 翻
權 印
所 必
有 究

弁言

余夙仰岳武穆之爲將，嘗習軍事於武昌保定，卽訪軼聞於三鎮兩河。迨洗兵江漢，攬轡汴梁，摹舊壘於朱仙，溯遺封於鄂國，將臺驛廢，人耕圯殿之基，背嵬營空，豕牧荒屯之址，流風漸沫，戎禍方滋，未嘗不俯仰興懷，徘徊增慨也。洎抗戰軍興，提師北指，塵兵隴海，轉戰南潯，痛虜騎之縱橫，望切郟城，飛將，悵烽煙之繚繞，路迷株嶺，封塋，躬履艱虞，彌殷嚮往，頗欲求其殘蹟，輯爲完編，藉昭百勝之威，用作三軍之氣，職務紛繁，未遑及也。三十四年冬，旣辭粵省主席篆，塵務稍閒，聖湖小駐，南枝重見，依然勁柏，雙章初瘞，還存，彷彿叢祠九曲，清泉一勺，井證銀瓶，園土千年，地留棘獄，山川徧歷，鈔拓漸多。爰於暇日，就武穆嶽降歸神與夫行師駐節最著之湯陰、宜興、江州、鄂州、朱仙鎮、臨安、嘉興等七地，參稽史實，考索遺蹤，或橐筆親臨，勤加紀述，或他山借助，遠集珠璣，博諮野老之流聞，周覽地方之志乘，一周星紀，聿告成書。敢謂金佗可續，廁身當代之藝林，且乘鐵馬餘閑，償我經時之夙願。至若緬懷風烈，興起有人，斯則民族之光，抑亦茲編之幸矣。

中華民國三十五年十一月吳川李漢魂於上海。

例言

一、本編所考遺蹟，以武穆嶽降歸神與夫行師駐節最著之湯陰、宜興、江州、鄂州、朱仙鎮、臨安及嘉興等七地爲限，其有無關重要或未及採訪者，概不著錄。

一、本編序列方式，係每地彙爲一目，先加總敘，略述該地與武穆關係，次卽按史實將該地遺蹟順次排別，間有一二遺蹟，不在上述數地之中，則就地域毗近或史蹟牽連者量爲附入，不另立目。

一、本編敘述遺蹟，係先詳沿革，次明實況，最後附以序記詩文，至斷碑殘碣，尤勤搜剔，藉存文獻。

一、本編附錄岳王本傳子孫及部將附傳三種，係校立宋史列傳及彙纂岳氏各宗譜而成，藉備參考。

一、本編考證遺蹟，雖力求精審，然因囿於聞見，容有未周，尙望海內鴻達，不吝賜教，以便補正。

岳武穆遺蹟考目錄

弁言

例言

湯陰第一

岳王先塋

岳王先宅

周同墓

精忠廟

岳陣頭

宜興第二

岳王生祠

.....一

.....一

.....七

.....一〇

.....一一

.....三五

.....三六

.....三六

岳隄	四四
百合場	四五
張氏桃溪園	四六
岳霖墓	四七
江州第三	五一
姚太夫人墓	五一
岳王舊宅	五三
李夫人墓	五八
鄂州第四	六八
忠烈廟	六八
岳公城	七二
捲旂花	七二

朱仙鎮第五	七四
岳武穆王廟	七五
亮軍臺	九一
楊統制廟	九一
臨安第六	九六
岳王故第	九六
銀瓶井	九九
風波亭	一〇二
九曲叢祠	一〇六
棲霞廟墓	一一八
岳雲墓	一五〇
資福廟	一五三

張憲墓	一五四
牛皋墓	一六〇
昌文侯祠	一六一
楊再興故宅	一六二
李寶墓	一六三
張保王橫墓	一六六
施將軍廟	一六八
翠微亭	一七一
精忠柏	一七二
嘉興第七	一七七
金佗坊	一七七

附錄一

岳王本傳	一七九
附錄二	
子孫附傳	二〇〇
附錄三	
部將附傳	二〇三

岳武穆遺蹟考

湯陰第一

岳武穆諱飛，字鵬舉，相州湯陰人，先世出神農，世居山東東昌府聊城縣，高祖渙始遷相州湯陰縣永和鄉孝悌里，今稱周流社，王卽生其地。天資敏悟，幼知力學，稍長通左氏春秋孫吳兵法，生有神力，學技擊，一縣無敵，從周同習射，盡其術，文武之資，基於髫髻。不過湯陰雖王梓里，然王在其地實僅度幼年時期，蓋王天性至孝，自北境紛擾，奉母命從戎報國，年二十卽投眞定劉翰效用，嗣從平定軍，最後始隸東京留守宗澤，多立奇功，遂承知遇，累遷留守司統制，然自宗澤卒，從繼任留守杜充退守建康，兩河旋卽淪敵，嗣後雖苦辛百戰，然以扼於權奸，終不能恢復故土，留居不久，史蹟無多，然因係嵩生嶽降之鄉，且爲三代先塋所在，故後人倍加崇仰，論精忠遺蹟者，自當首先及之也。

岳王先塋

岳王三代先塋，除王妣魏國姚太夫人外，俱在湯陰縣城東二十五里之周流社。按岳氏金佗宗譜：「神農生姜水，以姜爲姓，歷傳至垂，仕唐堯爲共工，子伯夷爲虞舜秩宗，胙四岳，佐禹治水有功，禹封爲呂侯，子長伯子襲父封，以國爲氏，曰呂，次仲子官太岳，以官爲氏，曰岳。自仲子受姓後，歷傳至休，世居山東東昌府聊城縣，休仕周官至節度使，五傳至渙，字鬻桂，仕宋爲令使，卽王之高祖，始由東昌徙河南相州之湯陰縣永和鄉孝悌里，是爲湯陰始祖，配閔氏，子二，長成次德，成卽王曾祖父，字舜福，以王貴贈太師魏國公，配楊氏，贈慶國夫人，子一立，立卽王祖父，字乾祿，以王貴贈太師唐國公，配許氏，贈越國夫人，子二，長和次睦，和卽王考，字坤鑄，以王貴贈顯慶侯，追贈太師隋國公，配姚氏，封魏國夫人，贈周國夫人。」王先代皆以務農爲業，故無甚事蹟可述，僅隋國公和宋史稱其「能節食以濟飢者，有耕侵其地，割而與之，貰其財者不責償。」蓋一敦厚長者也。和薨於宣和四年，時王僅二十歲，故其立身行道，進德修業，得力於母教爲多，王一生僅稱母教者以此。考王三代先塋，因宋時湯陰地淪於金，王舉族南遷，故未加封植，年湮代遠，蒼澆莫識，明景泰初學士徐有貞出鎮彰德，因跡王先塋，臨祭而封守之，時有大鳥翔集之異，遂議於城內建祠，以資紀念，奏得制如錢塘。迨弘治間，又以工部

尙書李燧奏爲修築墳墓界，申禁樵牧，豎表勒石，觀瞻始巍。厥後有清乾隆及同治間均加葺治，穹碑具在，尙可覆按。最近且於民國十六年重修，故祠墓均尙完好。查周流有南北兩村，中隔湯河，形如小溝，寬僅數尺，兩村各有居民約三百戶，全部務農爲業，村中屋宇零落，道路泥濘，污穢狼籍，不堪入目。祠墓在南周流村側，四周圍以短垣，廣約百有餘丈，前闢三門，額題「岳王先塋」，入門爲拜殿三楹，承以月臺神路，拜殿之後爲享殿三楹，中供王三代考妣及王夫婦暨王女銀瓶神位，祠內除豎有重修碑記數方外，其他空無所有，月臺中柱勒有一聯，文爲「忠心不朽，破夷扶夏昭神武。先志克成，聖子賢孫壯古塋。」不著撰人，亦未見佳。祠右隔垣爲官廳火房，計正屋三楹，右側廂房二楹，係備前清官員祭掃時齋宿之用者。墓在祠後，計有二穴，一位正中，一處左側，均無碑碣，大抵中爲王三代考妣墓，旁卽王夫婦衣冠塚，墓周古柏頗多，氣象極爲陰森，近墓柏時被奸人盜伐，卽塋垣亦多遭毀損，夫甘棠勿翦，屋烏推愛，况精忠木本水源之地，深望地方賢有司能加意愛護之，則庶乎善矣。

重修岳忠武王先塋碑記 乾隆五十三年

清豐 仲

豫州當天地之中，陰陽風雨所和會，故山川清淑之氣，篤生偉人，忠孝節義，照耀古今，如宋岳忠武

王，尤間世一出，其鍾靈發祥之地，允宜享祀奕禩，昭垂不朽者也。王世爲湯陰周流里人，自束髮從戎，隨宋南渡後，王母夫人葬廬山，王葬棲霞嶺，王夫人葬太陽山，獨王祖父墓皆在湯陰，明景泰初，學士徐有貞始迹塋地，掃而祭焉，時有大鳥翔集之異，遂議建祠，奏得制如錢塘，宏治間邑人尙書李燧，奏爲修築墳墓界，申禁樵牧，豎表勒石，由來久矣。恭維聖朝褒崇忠義，每歲春秋，致祭王廟，乾隆庚午聖駕巡豫，遣官諭祭，御製詩以紀之，至王之先塋，官斯土者屢經修葺，歲祀維虔，誠盛典也。余奉簡命，承乏斯土，歲己亥，夏雨連綿，湯水泛溢，塋地濱河，享殿垣牆，遂多傾圮，使廢而不修，則守土者之責也，亟捐廉爲之倡，因囑同里紳士及奉祀裔孫共襄其舉，湯人士聞風慕義者，莫不出資助役，於是鳩工庀材，創建拜殿三楹，承以月臺神路，重修享殿官廳火房門樓垣牆，皆復其舊。工成請序於余，竊謂王之忠義神武，廟食千秋，幾偏宇內，而錫光篤慶，追溯世德，則木本水源之思，所以慰王靈於陟降者，惟湯邑先塋報享爲最久，余景慕前徽，旣與此都人士相與落成之，鼎新復故，有以妥神明而肅觀瞻，因紀其歲月，勒之貞珉，後有君子蒞斯土者，修舉廢墜，俾垂久遠，余尤不能無厚望焉，是爲序。

重修岳武穆先塋記同治三年

清蘇喬年

邑東二十里許爲周流社，宋鄉賢岳武穆先塋在焉，歷金迄有明，經邑宦工部尙書恭敏李公燧題請勅修，嗣修於我朝乾隆十年，又修於乾隆五十年，越今七十餘年，饗堂傾圮，墳牆坍塌，風雨樵牧，難安神靈，每歲仲春暨孟夏兩望日，鄉先生舊結粉榆社，目觸心傷，倡議重修，首捐糧米木料錢文等項，擇吉開工，又募化鄉隣，重建饗堂三間，拜殿三間，門樓四座，補修齋房三間，墳牆百有餘丈，供奉神主五尊，工成告竣，囑序於余，余雖忝居桑梓，未效尺寸之勞，然好善之思，諸君子有先我而能者，爰紀顛末，以昭將來。工始於咸豐六年，成於同治三年，惟時董其事者傅君程元、吳君化成、吳君繼統、吳君先之也。

重修岳武穆王先塋記民國十六年

吳增先

宋岳武穆王其故里在蕩陰治東二十五里周流社，實王先塋之所在也，經有明學士有貞徐公邑工部尙書燧李公，因致祭有大鳥翔集之異，先後奏請建立廟祠，足見王生前之忠貞，有以感激乎人心，亦可見王歿後英靈默眷於斯祠也切矣，其後越年越世，廟貌屢經剝蝕，無不卽時完葺，查最

後之重修爲清同治三年，迄今又有六十餘載矣，廟宇牆垣，剝蝕尤甚，奈時值改代之際，軍隊擾攘，盜賊猖獗，修葺之事，未曾暇及，以致里人之遊覽，行旅之過謁，靡不目睹心傷，幾疑王靈之就泯焉。今仲春望日，善男信女捧香獻供，爲王慶賀聖誕之辰，適有女巫敢坐於神前石桌之上，時當正午，石桌竟立折，覆痕如刀割，恍若王之英靈降鑒，厭其玷污，而大爲警覺也，社之人耳而目之，僉曰：區區一石，猶若關王之顧念，其先塋廟宇，詎忍坐視其傾頽，於是合社集議重修，靡不欣然而樂從，委因年歲荒歉，募化維艱，權將廟內枯柏量費變資，庀工鳩材，大加修葺，自享堂拜殿厦楹月臺，以及官廳火房神路山門地面圍牆，逐一補換增加，不二越月，俱復煥然而改觀焉，非王在天之靈有以主宰鼓舞於其間，其工程疑難神速如斯也。夫王生平實錄，前賢表揚殆盡，後人亦毋庸置喙，若王在天之靈，其發洩予人以共見，及此次重修之緣起，不得不聊伸俚言，以爲紀念云爾。

岳忠武先塋

明蘇弘祖

鄂國鍾靈地，祁連古道前，山川蟠灑氣，忠孝格皇天，風雨園陵恨，松楸俎豆田，應知寒食夜，鐵騎一來旋。

弔岳王先塋因訪其子孫

明鄭懋洵

匹馬南來弔岳墳，英雄別自一乾坤，壘壘先壠猶然在，子子遺黎有幾存，最痛焚香孤父老，那憐挂紙少兒孫，西山試比東陵土，誰向荒碑洒淚痕。

清雷以誠

天心地脈竟難量，顛倒忠奸任頡頏，似遣譖人貝作錦，遂同埋獄劍無光，靖康未雪君王恥，祖墓都餘草木香，北狩南遷成宋局，特爲萬古振綱常。

岳王先宅

岳王先宅遺址在湯陰縣城東三十二里之程崗，其地去周流約六里，於宋亦屬孝悌里範圍。據故老相傳，王先塋在周流，先宅在程崗，查此宅實王先代世居之所，王卽生於其地，因王生之夕，有大禽若鵠，飛鳴室上，故命名曰飛，而字爲鵬舉，未彌月，河決內黃，水暴至，母姚抱坐甕中，任其飄泊，適衝濤及岸，獲免，人咸異之。按野史亦有謂王家於水災後移居內黃者，實則未嘗遷徙，婚娶誕育，均在其地，迨